

# INUIT ATAQATIGIIT

## INATSISARTUNI



UKA2024/128/145

Ulloq : 22.10.2024

Ateq Naggallu: Mikivsuk

Thomassen.

**Peqqinnissaqarfik Region Nord patienthoteleqalernissaa pillugu  
Naalakkersuisut UPA2025-mut agguassassamik nalunaarusioqquullugit  
peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaq, Aqqalu C Jerimiassen, Atassut)

**Sullissinerit suut sumiiffinnilu suni neqeroorutigineqarnersut innuttaasunit  
qaqugukkulluunniit nalorngissutigineqaqqunagit peqqinnissaqarfip  
sullissinerinut takussutissiap tamatigut nutarterneqartuarsimanissaa  
ullutsinnullu naleqqussarneqartuarsimanissaa qularnaarniarlugu  
Naalakkersuisut peqquneqarnissaannik Inatsisartut aalajangiiffigisassaattut  
siunnersuut.**

(Inatsisartunut Ilaasortaq Anna Wangenheim, Demokraatit)

Imm. 128

Siunnersuuteqartunut tamanut qujanaq.

Nunatsinni peqqissartunut akunniuffiusinnaasut tattoqiffiusarnerat ersarippoq,  
tamannalu peqqinnissaq pillugu ataatsimiitsitaliarsumiit ilanngullugu  
nalunaarutigineqarnikuovoq.

Inuit Ataqatigiinniit soqutigisaraarput peqqinnissaqarfip sullissineratigut  
pitsaasumik ingerlajuarnissaa, aammali eqqaamasariaqarpoq akunnittarfitigut  
suliassat inunnut tunngatigut piffiit ilaanni sivitsortumik suliarineqarnissami  
utaqqitsitisoqarsinnaasarluni, sulisussatigullu peqquteqartoqartarluni.

Avannaani immikkoortoqarfimmik akunnittarfimmik amigaateqartoqarnera Inuit  
Ataqatigiinniit arajutsinngilarput, ukiumut arlallit avannaanniit nakorsiartoqartarpoq  
tamannalu angallassinikkut piffissaq sivisooq atorlugu ingerlasarluni  
peqqilliuteqartunut ilaatigut qasunarsinnaasarluni.

# INUIT ATAQATIGIIT

## INATSISARTUNI



Inuit Ataqatigiinniit nuannaarutiginikuuvarput.

Peqqinnissamut tunngatillugu isumaqatigiissut 2023

- Peqqinnissaqarfimmut tunngatillugu nakittorsaanermik suliaqarnermi politikkikkut tunngaviusumik isumaqatigiissut.

Partiinik amerlanerussuteqartuni atsioqataaffigineqartumi isumaqatigiissummut ilaanikuunerput.

Isumaqatigiissutip iluaniippoq takuneqarsinnaalluni.

- Peqqinnissaqarfimmut atatillugu ukiuni qulini tulliuttuni sanaartugassat ataatsimoortillugit pilersaarusrorlugu suliarineqarnissaa.

Suliassalli tulleriaarineq ukiuni aggersuni suleqataaffigissallugit peqataaffigissallugillu naqissuserusupparput Inuit Ataqatigiinniit peqataassagatta.

Taama oqaaseqarluta siunnersuutigineqartoq itigartsinneqarnissaa innersuussutigerusupparput.

Imm. 145

Nunatsinni peqqinnissaqarfeqarnikkut unammilligassat assigiingitsuupput nunarput isorartuujuvoq ilaatigut sullittakkanut unammillernarsinnaasarluni sulisoqarnikkullu tamannalu nukittorsartuarnissaat pingaaruteqarpoq,

Peqqinnissaqarfimmi sulisoqarnikkut unammillernartumik inisisimasoqarsinnaasarnera peqqinnisaq pillugu ataatsimiititaliarsumiit naqissuserneqarnikuuvoq, sullinneqartunullu unammillernarsinaasut ilanngullugit.

Ilanngullugu Inuit Ataqatigiinniit eqqaarusupparput inoqarfiinniit ilaat peqqinnissaqarfeqarnikkut unammillernartuummata Kommunit suleqatigalugit isumaqatigiissusiorfiusimasumi ajunngequqteqarput ajoquteqarsinnaallutillu.

Assersuutigisinnaavara Qaanaami peqqinnissaqarfimmi 16.00 kingorna uninngasoqarsinnaanngilaq taassuma kingorna Utoqqaat illuannut uninngatsisoqartarpoq utoqqarnillu sullisisuniit nakkutigineqartarlutik.

# INUIT ATAQATIGIIT

## INATSISARTUNI



Inuit Ataqatigiinniit isumaqarpugut tamakkua ilanngullugu pitsaasutsip tungaanut sullissinikku nalilorsorneqaqqissaartariaqartut.

Ilaatigut kigutit nakorsaqarniarnikkut ajornartorsitit kipiluttunarsinnaasarput qaammatini aaliangersimasuni suliartortunik tikittoqartarnera nunaqartunut kipiluttunarsinnaasarmata.

Ilaatigut tassanngaannartumik pisoqartillugu illoqarfimmiit illoqarfimmum attaveqaqqaarluta peqqinnissaqarfimmum attaveqarnikkut sullinneqarsinnaasarneq ilungersuuteqaqqaarluni sullinneqarsinnaasoqartarpoq, naak illoqarfigisamini peqqinnissaqarfimmum toqqaannartumik saaffigisinnaasamik peqartoqaraluartoq.

Siunnersutigineqartoq tunngavigalugu ataatsimiitaliamut Ilaqtariinnermut peqqissutsimullu aappassaaniinnginnerani innersuupparput.

Kaammattuutigalugu siunnersutigineqartoq tunngavigalugu susassaqarfiit assigiinngitsut suleqartigiilluarnissaannik.